

金光明最勝王經大吉 祥天女增長財物品

唐三藏法師義淨奉 制譯



南無本師釋迦牟尼佛

說明

本繁體校正版《金光明最勝王經大吉祥天女增長財物品》電子書，根據《乾隆大藏經》大乘五大部外重譯經，第0122部，唐三藏法師義淨奉制譯《金光明最勝王經》影印本校正，句讀僅供參考。

本電子書是免費結緣品，特此說明。

仁慧草堂

二〇一九年三月



掃碼關注仁慧草堂微信公眾號

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

南無本師釋迦牟尼佛 (合掌三稱)

開經偈

(一編)

無上甚深微妙法 百千萬劫難遭遇
我今見聞得受持 願解如來真實義

金光明最勝王經大吉祥天女

增長財物品

唐三藏法師義淨奉 制譯

爾時，大吉祥天女復白佛言：「世尊！北方薜室羅末拏天王城，名有財，去城不遠，有園名曰妙華福光，中有勝殿，七寶所成。世尊！我常住彼。若復有人欲求五穀日日增多、倉庫盈溢者，應當發起敬信之心，淨治一室，瞿摩塗地，應畫我像，種種瓔珞周帀莊嚴；當洗浴身，著淨衣服，塗以名香，入淨室內，發心為我每日三時，稱彼佛名及此經名號而申禮敬：『南謨瑠璃金山寶華光照吉祥功德海如來！』持諸香華及以種種甘美飲食，至心奉獻，亦以香華及諸飲食供養我像；復持飲食，散擲餘方，施諸神等，實言邀請大吉祥天，發所求願：『若如所言是不虛者，於我所請，勿令空爾。』于時，吉祥天女，知是事已，便生愍念，令其宅中財穀增長。即當誦呪請召於我，先稱佛名及菩薩名字，一心敬禮：

「南謨一切十方三世諸佛 南謨寶髻佛
南謨無垢光明寶幢佛 南謨金幢光佛 南謨百

金光藏佛 南謨金蓋寶積佛 南謨金華光幢佛
南謨大燈光佛 南謨大寶幢佛 南謨東方不動
佛 南謨南方寶幢佛 南謨西方無量壽佛 南
謨北方天鼓音佛¹ 南謨妙幢菩薩 南謨金光菩
薩 南謨金藏菩薩 南謨常啼菩薩 南謨法上
菩薩 南謨善安菩薩

「敬禮如是佛菩薩已，次當誦呪請召我大吉祥天女。由此呪力，所求之事皆得成就。」

即說呪曰：

「南謨室唎莫訶天女 怛姪他 鉢唎脯擘
拏折囉 三曼頹 達唎²設泥<sup>去聲下
皆同</sup> 莫訶毗訶囉
揭帝³ 三曼哆毗曇末泥 莫訶迦里⁴也 鉢唎底
瑟侘鉢泥 薩婆頹他婆⁵彈泥 蘇鉢唎底脯⁶囉
痾耶娜達摩多 莫訶毗俱比帝⁷ 莫訶迷咄嚕
鄔波僧呬羝 莫訶頡唎使 蘇僧近^入里 呬羝三
曼多頹他 阿奴波刺⁸泥 莎訶

「世尊！若人誦持如是神呪請召我時，我聞

¹ 大正藏：天鼓音王佛

² 大正藏：唎

³ 大正藏：諦

⁴ 大正藏：哩

⁵ 大正藏：娑

⁶ 大正藏：脯

⁷ 大正藏：諦

⁸ 大正藏：唎

請已，即至其所，令願得遂。世尊！是灌頂法句、定成就句、真實之句、無虛誑句，是平等行，於諸眾生是正善根。若有受持讀誦呪者，應七日七夜受八支戒，於晨朝時，先嚼齒木淨澡漱已，及於晡後香華供養一切諸佛，自陳其罪。當為己身及諸含識迴向發願，令所希⁹求速得成就。淨治一室，或在空閑阿蘭若處，瞿摩為壇，燒栴檀香，而為供養。置一勝座，旛蓋莊嚴，以諸名華布列壇內，應當至心誦持前呪，希¹⁰望我至。我於爾時，即便護念觀察是人，來入其室，就座而坐，受其供養。從是以後，當令彼人於睡夢中得見於我，隨所求事以實告知。若聚落空澤及僧住處，隨所求者，皆令圓滿，金銀財寶、牛羊穀麥、飲食衣服，皆得隨心，受諸快樂。既得如是勝妙果報，當以上分供養三寶，及施於我，廣修法會，設諸飲食，布列香華。既供養已，所有供養貨之取直，復為供養於我，我當¹¹終身常住於此，擁護是人，令無闕乏，隨所希¹²求，悉皆稱意。亦當時時，給濟貧乏，不應慳惜，獨為己身。常讀是經，供養不絕，當以此福普施一切，迴向菩提，

⁹ 大正藏：悌

¹⁰ 大正藏：悌

¹¹ 大正藏：復為供養，我當

¹² 大正藏：悌

願出生死，速得解脫。」

爾時，世尊讚言：「善哉！吉祥天女，汝能如是流布此經，不可思議，自他俱益。」

金光明最勝王經大吉祥天女增長財物品

● 結誦儀

補闕圓滿真言

(三編)

唵. 呼嚧呼嚧. 社曳穆契. 莎訶

普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫
迦囉嚩吽

南無寶華瑠璃佛 (合掌三稱)

南無金光明經 (合掌三稱)

南無第一威德成就眾事大功德天 (合掌三稱)

迴向偈

(一編)

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國

十方三世一切佛. 一切菩薩摩訶薩. 摩訶般
若波羅蜜.

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；自
皈依僧，當願眾生，統理大眾，一切無礙。和南
聖眾。



此咒置經書中可滅誤跨之罪

南无护法韦驮尊天菩萨

